# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

### <u>ՀԱՅՏԱՐԱՐՈՒԹՅՈՒՆ</u>

ՆԱԽԿԻՆՈՒՄ ՆԵՐԿԱՅԱՑՎԱԾ ԹԻՎ ԳԲՔԱ-ՆԳ-2020/08 ԾԱԾԿԱԳՐՈՎ ԲՈՂՈՔԸ ՎԱՐՈՒՅԹ ԸՆԴՈՒՆԵԼՈՒ, ՆՈՐ ԾԱԾԿԱԳԻՐ ՏԱԼՈՒ ԵՎ ԳՈՐԾԻ ՔՆՆՈՒԹՅՈՒՆԸ ՍԿԶԲԻՑ ՍԿՍԵԼՈՒ ՄԱՍԻՆ

Բողոքի ծածկագիրը և ամսաթիվը՝ ԳԲՔԱ-ԱՕ-2020/21, 15.01.2020թ.

**Բողոք բերող անձ՝** «Միհրան Արամի Սիմոնյան» Ֆ/Ա

**Պատվիրատու՝** ՀՀ ոստիկանություն

**Գնման ընթացակարգի ծածկագիրը՝** «ՀՀ Ո ՀԲՄԱՇՁԲ-ՔԱՐՏ-2020/Ա-33» հրատապ բաց

մրցույթ

**Գնման առարկան`** Նույնականացման քարտերի տպագրման աշխատանքների ձեռքբերում

**Բողոքի պահանջը՝** Պարտավորեցնել «ՀՀ Ո ՀԲՄԱՇՁԲ-ՔԱՐՏ-2020/Ա-33» ծածկագրով հրատապ բաց մրցույթի գնահատող հանձնաժողովին չկայացած հայտարարել գնման ընթացակարգը։

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել https://www.e-gov.am/gnumner/ հղումով.

Տեղեկացնում ենք, որ «Գնումների մասին» ՀՀ օրենքի՝

• 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում,

իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք։ Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

• 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ։

## ՀՀ գնումների հետ կապված բողոքներ քննող անձին

Fnnnp pերnn ՝ pաղաքացի Միհրան Արամի Միմոնյան Հասցե՝ ՀՀ, p. Երևան, Թումանյան 112., pt. 59, Հեր։ 094461173 E-mail: mihran.simonyan1990@gmail.com

> Պատվիրատու՝ 22 ոստիկանություն Հասցե՛ 22, p.Երևան, Նալբանդյան 130

Գնման ընթացակարգի ծածկագիրը և առարկան

22 ոստիկանության կարիքների համար՝ «Նույնականացման քարտերի տպագրման աշխատանքների կատարման» ձեռքբերման նպատակով հայտարարված «ՀՀ Ո ՀԲՄԱՇՁԲ-ՔԱՐՏ-2020/Ա-33» ծածկագրով հրատապ բաց մրցույթ

#### BUJUE

## Գործի հակիրձ նկարագրությունը և բողոքի փաստերը.

- ՀՀ ոստիկանության կարիքների համար՝ «Նույնականացման քարտերի տպագրման աշխատանքների կատարման» ձեռքբերման նպատակով հայտարարվել է «ՀՀ Ո ՀԲՄԱՇՁԲ-ՔԱՐՏ-2020/Ա-33» ծածկագրով հրատապ բաց մրցույթ (այսուհետ նաև՝ Ընթացակարգ)։
- «ՀՀ Ո ՀԲՄԱՇՉԲ-ՔԱՐՏ-2020/Ա-33» ծածկագրով հրատապ բաց մրցույթի **հայտերի** բացումը նշանակված է 16.01.2020թ.:
- «ՀՀ Ո ՀԲՄԱՇՁԲ-ՔԱՐՏ-2020/Ա-33» ծածկագրով հրատապ բաց մրցույթի հրավերը հրապարակվել է <u>www.gnumner.am</u> համացանցային կայքում 30.12.2019թ. աշխատանքային ժամի ավարտից հետո, այն է՝ ժամը 19:33-ին։

Համաձայն Ընթացակարգի հրավերի «Տեխնիկական բնութագիր-գնման ժամանակացույցի»՝ գնման առարկայի համար սահմանվել են հետևյալ տեխնիկական պարամետրերը /ներկայացվում է հատված/.

- ISO/IEC 7810 ID Card: Ֆիզիկական առանձնահատկություններ,
- ISO/IEC 7812 ID Card: Ներկառուցված պլատայով կոնտակտային քարտ,
- ISO 10373-3 մեխանիկական թեստեր։ ձկում,
- ISO 10373-3 մեխանիկական թեստեր։ ոլորում,
- ISO 10373-3 մեխանիկական թեստեր։ խտացում,
- ISO 10373-1 կլիմայական թեստեր։ ջերմաստիձան,
- ISO 10373-1 կլիմայական թեստեր։ խոնավություն,

USAS N \_ 981 \_ 20 28.

- ISO 7816-3 կլիմայական թեստեր։ էլեկտրական ազդանշաններ և փոխանցման պրոտոկոլներ,
- ISO 10373-3 էլեկտրական թեստեր։ ստատիկ էլեկտրաէներգիա,
- DIN EN ISO 4892-2, B այլ թեստեր։ ուլտրամանուշակագույն լույս,
- ISO 9001-2001 ISO 9001 Certification for the manufacturing site of the bidder
- ISO/IEC 7816-1 Ֆիզիկական առանձնահատկություններ,
- ISO/IEC 7816 -2 Կոնտակտների ուղղություններ և գտնվելու վայր,
- ISO/IEC 7816-3 Էլեկտրական ինտերֆեյս և փոխանցման պրոտոկոլներ,
- ISO/IEC 7816-4 Միջոլորտային հրահանգներ՝ փոխադարձ փոխանակման համար,
- ISO/IEC 7816-5 Համարակալման համակարգ և գրանցման ընթացակարգ առաջարկ ներկայացնողների համար,
- ISO/IEC 7816-6 Միջոլորտային տվյալների տարրեր՝ փոխադարձ փոխանակման համար,
- ISO/IEC 7811 Նույնականացման քարտերի գրառման տեխնիկայի նկարագրություն։

## 🗆 Բողոթի իրավական հիմթերը և հիմնավորումները.

«Գնումների մասին» ՀՀ օրենքի (այսուհետ նաև՝ Օրենք) 3-րդ հոդվածի 2-րդ մասի 1-ին և 2-րդ կետերի համաձայն՝ գնումների գործընթացը հիմնվում է հետևյալ սկզբունքների վրա.

- գնման գործընթացի *միասնական կանոններով* մրցակցային, թափանցիկ, *համաչափ*, հրապարակային և ոչ խտրական հիմունքներով կազմակերպում.
- պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում։

Օրենքի 13-րդ հոդվածի 2-րդ մասի համաձայն՝ գնման առարկայի բնութագրերը՝

- պետք է մրցակցության հավասար պայմաններ ապահովեն հնարավոր մասնակիցների համար.
- չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.
- պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.
- 4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը։

Նույն հոդվածի 3-րդ մասի համաձայն՝ ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նան գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա։

Գտնում ենք, որ «ՀՀ Ո ՀԲՄԱՇՁԲ-ՔԱՐՏ-2020/Ա-33» ծածկագրով հրատապ բաց մրցույթի գնահատող հանձնաժողովի կողմից հրավերը կազմելիս՝ թույլ է տրվել Օրենքի վերոշարադրված պահանջների խախտում։

Նախ պետք է նշել հետևյալը, սույն բողոքով վիճարկվող մրցույթի հրավերը հրապարակվել է www.gnumner.am համացանցային կայքում 30.12.2019թ. աշխատանքային ժամի ավարտից հետո՝ ժամը 19:33-ին։ Այսինքն ասել, թե մրցույթի հրավերը հրապարակվել է 2019թ.՝ չի համապատասխանի իրականությանը, քանի որ ՀՀ կառավարության համապատասխան որոշմամբ՝ ՀՀ պետական բոլոր կառույցները տեղեկացված էին տոնական օրերի հետ պայմանավորված ոչ աշխատանքային օրերի հետ կապված, ըստ որի 31.12.2019թ.-07.01.2020թ. ներառյալ հայտարարված էր ոչ աշխատանքային օրեր և հետևաբար 30.12.2019թ. ժամը 19:33 չի կարող համարվել աշխատանքային ժամ և այս դեպքում ստացվում է, որ ՀՀ ոստիկանությունը կարծես թե միտումնավոր հրավերը հրապարակել է աշխատանքային ժամի ավարտից հետո, որպիսի պարագայում «հրբր թե» կստացվի, որ հրավերը հրապարակված է եղել դեռևս 30.12.2019թ., մինչդեռ մասնակցության հայտ ներկայացնել ցանկացող աշխատող ընկերությունները փաստացի կտեսնեին հրավերը միայն 08.01.2020թ., քանի որ փաստացի 2019թ. վերջին աշխատանքային օրվա աշխատանքային ժամի ավարտ հրավերը չի եղել հրապարակված կայքում և հետևաբար հայտեր ներկայացնելու համար նախատեսված 17 օրերից 9 օրը՝ ընկերության կարծիքով միտումնավոր հօրս են ցնդում։

Միգուցե բողոքներ քննող անձի մոտ հարց առաջանա՝ ինչ դեր է խաղում այդ 9 օրը հայտ ներկայացնելու համար, չէ որ դեռնս հայտ ներկայացնելու համար կա բավականին ժամանակ մոտ՝ 8 օր։ Այս պարագայում հայտնում ենք հետևյալը՝ քանի որ հրավերով նախատեսված գնման առարկայից՝ պահանջվում է պատրաստել թվով 191.000 օրինակ, հետևաբար անհրաժեշտություն կա կապեր հաստատել արտասահմանյան գործընկերների հետ, գնահատել աշխատանքային ռեսռուրսները, գնահատել ռիսկերը, բանակցել գործընկերնի հետ գնման առարակայի գների նվազեցման շուրջ և այլն, իսկ նման պարագայում՝ հաշվի առնելով նաև այն հանգամանքը, որ հրավերի տեխնիկական բնութագրում առկա են

բազմաթիվ մրցակցային անհավասար պայմաններ պարունակող կետեր, որը թույլ է տալիս ենթադրելու, որ կա նախընտրելի մատակարար՝ ուստի վերը նշված մատակարարը տեղյակ լինելով 30.12.2019թ. աշխատանքային ժամի ավարտից հետո հրապարակված հրավերին՝ ի տարբերություն մյուս հայտ ներկայացնել ցանակացող մասնակիցների համեմատ ստանում է առավելություն։

Բողոքաբերի կարծիքով, հրավերի տեխնիկական բնութագիրը մրցակցության հավասար պայմաններ չի ապահովում հնարավոր մասնակիցների համար, առաջացնում է չհիմնավորված խոչընդոտներ։

Տեխնիկական նկարագրի 7-րդ կետի համաձայն՝ նույնականացման քարտը պետք է համատեղելի լինի ըստ հետևյալ ստադարնտների կամ թեստերի.

- ISO/IEC 7810 ID Card: Ֆիզիկական առանձնահատկություններ,
- ISO/IEC 7812 ID Card: Ներկառուցված պլատայով կոնտակտային քարտ,
- ISO 10373-3 մեխանիկական թեստեր։ ձկում,
- ISO 10373-3 մեխանիկական թեստեր։ ոլորում,
- ISO 10373-3 մեխանիկական թեստեր։ խտացում,
- ISO 10373-1 կլիմայական թեստեր։ ջերմաստիճան,
- ISO 10373-1 կլիմայական թեստեր։ խոնավություն,
- ISO 7816-3 կլիմայական թեստեր։ էլեկտրական ազդանշաններ և փոխանցման պրոտոկոլներ,
- ISO 10373-3 էլեկտրական թեստեր։ ստատիկ էլեկտրաէներգիա,
- DIN EN ISO 4892-2, B այլ թեստեր։ ուլտրամանուշակագույն լույս,
- ISO 9001-2001 ISO 9001 Certification for the manufacturing site of the bidder
- ISO/IEC 7816-1 Ֆիզիկական առանձնահատկություններ,
- ISO/IEC 7816 -2 Կոնտակտների ուղղություններ և գտնվելու վայր,
- ISO/IEC 7816-3 Էլեկտրական ինտերֆեյս և փոխանցման պրոտոկոլներ,
- ISO/IEC 7816-4 Միջոլորտային հրահանգներ՝ փոխադարձ փոխանակման համար,
- ISO/IEC 7816-5 Համարակալման համակարգ և գրանցման ընթացակարգ առաջարկ ներկայացնողների համար,
- ISO/IEC 7816-6 Միջոլորտային տվյալների տարրեր՝ փոխադարձ փոխանակման համար,
- ISO/IEC 7811 Նույնականացման քարտերի գրառման տեխնիկայի նկարագրություն։
- ՀՀ գնումների հետ կապված բողոքներ քննող անձին հայտնում ենք, որ այս կետով սահմանված պահանջը կարող է կատարվել միայն գործող մատակարարի կողմից, քանի որ բոլոր թեստերի իրականացման և ստուգման համար՝ անհրաժեշտ է ունենալ պատրաստի

քարտ՝ ըստ հաձախորդի ձևավորման և առանձնահատկությունների։ Անհնար է բոլոր թեստերի արդյունքների և թեստերի փոխադրումը մի քարտի վրա, որը դեռ չի արտադրվել։ Մովորաբար, այս պահանջը հաձախորդին դրվում է ապրանքների առաջին խմբաքանակի պատրաստման ընթացքում։

Օրենքի 50-րդ հոդվածի 2-րդ մասի 2-րդ կետի համաձայն՝ եթե բողոքը ներկայացրած անձը բողոքարկում է գնման առարկայի բնութագրերը, նախաորակավորման հայտարարության կամ հրավերի պահանջները, ապա բողոքը ներկայացվում է մինչն հայտերի ներկայացման վերջնաժամկետը։

Նույն հոդվածի 7-րդ մասի 1-ին կետի «բ» պարբերության համաձայն՝ ՀՀ գնումների հետ կապված բողոքներ քննող անձն իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

բ. պարտավորեցնելու ընդունել համապատասխան որոշումներ, ներաոյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ձանաչելու մասին որոշման։

Հաշվի առնելով, որ Ընթացակարգի հայտերի ներկայացման ժամկետը դեռնս ավարտված չէ, իսկ Հրավերը հակասում է Օրենքի 3-րդ և 13-րդ հոդվածների պահանջներին, ուստի ղեկավարվելով Օրենքի ՀՀ օրենքի 50-րդ հոդվածի 2-րդ մասի 2-րդ կետի և 7-րդ մասի 1-ին կետի ««բ»» պարբերության պահանջներով՝ ՀՀ գնումների հետ կապված բողոքներ քննող անձին

### ԽՆԴՐՈՒՄ ԵՄ՝

Պարտավորեցնել ՀՀ ոստիկանության կարիքների համար «Նույնականացման քարտերի տպագրման աշխատանքների կատարման» ձեռքբերման նպատակով հայտարարված «ՀՀ Ո ՀԲՄԱՇՁԲ-ՔԱՐՏ-2020/Ա-33» ծածկագրով հրատապ բաց մրցույթի գնահատող հանձնաժողովին չկայացած հայտարարել գնման ընթացակարգը։

Աոդիր՝ 5 թերթ։

Հարգանքով՝

Մ. Միմոնյան

14.01.2020p.